

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

----- 2017 թվականի N -Ն

«ԵՐԵՎԱՆԻ ՊԵՏԱԿԱՆ ՀԵՆԱԿԵՏԱՅԻՆ ԲԺՇԿԱԿԱՆ ՔՈԼԵՋ»  
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆԸ  
ՎԵՐԱԿԱԶՄԱՎՈՐՄԱՆ ՁԵՎՈՎ ՎԵՐԱԿԱԶՄԱԿԵՐՊԵԼՈՒ ՄԱՍԻՆ

---

Հիմք ընդունելով Հայաստանի Հանրապետության քաղաքացիական օրենսգրքի 63-րդ հոդվածը, «Պետական ոչ առևտրային կազմակերպությունների մասին» Հայաստանի Հանրապետության օրենքի 24-րդ հոդվածը, «Բաժնետիրական ընկերությունների մասին» Հայաստանի Հանրապետության օրենքի 9-րդ հոդվածը՝ Հայաստանի Հանրապետության կառավարությունը որոշում է.

1. «Երևանի պետական հենակետային բժշկական քոլեջ» պետական ոչ առևտրային կազմակերպությունը (այսուհետ՝ կազմակերպություն) վերակազմավորման ձևով վերակազմակերպել 100 տոկոս պետական մասնակցությամբ «Երևանի հենակետային բժշկական քոլեջ» փակ բաժնետիրական ընկերության (այսուհետ՝ ընկերություն):

2. Սահմանել, որ՝

1) կազմակերպության իրավահաջորդը ընկերությունն է, և վերջինիս են անցնում վերակազմակերպված իրավաբանական անձի իրավունքներն ու պարտականությունները՝ փոխանցման ակտին համապատասխան,

2) ընկերության ընդհանուր կապիտալը՝ 14841.645 հազ. դրամ է, որից կանոնադրական կապիտալը՝ 14000.0 հազ. դրամ, որը համապատասխանում է 1400 հատ հասարակ բաժնետոմսի, յուրաքանչյուրը՝ 10000 դրամ անվանական արժեքով և ընկերության գլխավոր պահուստ և (կամ) երաշխիքային հիմնադրամ՝ 841.645 հազ. դրամ,

2) վերակազմակերպման հետ կապված ծախսերը կատարվելու են կազմակերպության միջոցների հաշվին:

3. Ընկերության պետական սեփականություն հանդիսացող 100 տոկոս բաժնետոմսերի փաթեթի կառավարման լիազորությունը վերապահել Հայաստանի Հանրապետության կրթության և գիտության նախարարությանը (այսուհետ՝ լիազոր մարմին):

4. Լիազորել լիազոր մարմնին հիմնադրի անունից՝

1) հաստատել ընկերության կանոնադրությունը.

2) ձևավորել ընկերության խորհուրդը և դրանում կատարել փոփոխություններ ու նշանակել գործադիր մարմնի ղեկավարին և դրա անդամներին.

3) իրականացնել ընկերության հիմնադրի և հետագայում նաև ընդհանուր ժողովի բոլոր իրավասությունները:

4. Հայաստանի Հանրապետության կրթության և գիտության նախարարին՝

1) սույն որոշումն ուժի մեջ մտնելուց հետո երկամսյա ժամկետում հաստատել՝

ա. փոխանցման ակտը,

բ. ընկերության կանոնադրությունը.

2) սույն որոշումն ուժի մեջ մտնելուց հետո եռամսյա ժամկետում ապահովել՝

ա. ընկերության կանոնադրության պետական գրանցումը.

բ. կազմակերպության գործունեության դադարեցման պետական գրանցումը.

3) ապահովել սովորողների շարունակական ուսումնառության բնականոն գործընթացը:

6. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

## **Տ Ե Ղ Ե Կ Ա Ն Ք Հ Ի Մ Ն Ա Վ Ո Ր Ո Ւ Մ**

ՀՀ կառավարության «Երևանի պետական հենակետային բժշկական քոլեջ» պետական ոչ առևտրային կազմակերպությունը վերակազմավորման ձևով վերակազմակերպելու մասին» որոշման նախագծի

### **1. Անհրաժեշտությունը**

ՀՀ կառավարության որոշման նախագիծը մշակվել է ՀՀ վարչապետի 2017 թվականի մայիսի 11-ի N 29.6/[404812]-17(19) նիստի արձանագրության 1-ին կետի 6-րդ ենթակետի հանձնարարականի շրջանակներում՝ կրթության ոլորտում գործող նախնական (արհեստագործական) և միջին մասնագիտական կրթական ծրագրեր իրականացնող ուսումնական հաստատությունների թվաքանակի կրճատման (խոշորացման) և դրանց գործունեության օպտիմալացման նպատակով:

### **2. Ընթացիկ իրավիճակը և խնդիրները**

Ներկայումս քոլեջը վարձակալական հիմունքներով գործում է «Հայկ և Արա» ՍՊԸ-ին պատկանող՝ Կորյունի 10 հասցեում գտնվող անշարժ գույքի տարածքում: «Երևանի պետական հենակետային բժշկական քոլեջ» պետական ոչ առևտրային կազմակերպությունը միացման ձևով վերակազմակերպելն առավել արդյունավետ է, քանի որ նախատեսվում է այն մասնակիորեն մասնավորեցնել՝ պահպանելով գործունեության պրոֆիլը:

### **3. Արդյունքը**

Որոշման ընդունումը հնարավորություն կընձեռի ևս մեկ միջին մասնագիտական բժշկական ուսումնական հաստատության՝ գործունեություն իրականացնելու Երևան քաղաքում՝ օպտիմալ պայմաններով

## **Տեղեկանք**

ՀՀ կառավարության «Երևանի պետական հենակետային բժշկական քոլեջ» պետական ոչ առևտրային կազմակերպությունը վերակազմավորման ձևով վերակազմակերպելու մասին» որոշման նախագծի ընդունման առնչությամբ այլ իրավական ակտերի ընդունման անհրաժեշտության բացակայության մասին

ՀՀ կառավարության «Երևանի պետական հենակետային բժշկական քոլեջ» պետական ոչ առևտրային կազմակերպությունը վերակազմավորման ձևով վերակազմակերպելու մասին» որոշման նախագծի ընդունմամբ իրավական ակտերի ընդունման անհրաժեշտությունը բացակայում է:

## **Տեղեկանք**

ՀՀ կառավարության «Երևանի պետական հենակետային բժշկական քոլեջ» պետական ոչ առևտրային կազմակերպությունը վերակազմավորման ձևով վերակազմակերպելու մասին» որոշման նախագծի ընդունմամբ պետական բյուջեի եկամուտների նվազեցման կամ ծախսերի ավելացման մասին

«Երևանի պետական հենակետային բժշկական քոլեջ» պետական ոչ առևտրային կազմակերպությունը վերակազմավորման ձևով վերակազմակերպելու մասին» Հայաստանի Հանրապետության կառավարության որոշման նախագծի ընդունմամբ պետական բյուջեի եկամուտների նվազեցում կամ ծախսերի ավելացում չի ակնկալվում:

## ԱՄՓՈՓԱԹԵՐԹ

«Կառավարության որոշման նախագծի վերաբերյալ դիտողությունների և առաջարկությունների»

Նախարարության անվանումը	Դիտողություններ և առաջարկություններ	Նշումներ կատարման վերաբերյալ
<p>«Գինանսների նախարարություն»</p>	<p>1. Նախագծի հիմնավորման մեջ ներկայացված փաստարկները «Երևանի պետական հենակետային բժշկական քոլեջ» ՊՈԱԿ-ը փակ բաժնետիրական ընկերության, հետագայում՝ սահմանափակ պատասխանատվությամբ ընկերության վերակազմակերպելու անհրաժեշտության վերաբերյալ խնդրահարույց է: Մասնավորապես, քոլեջները, ինչպես նաև մասնագիտացված այլ ուսումնական հաստատությունները, ներկայումս գործում են «Պետական ոչ առևտրային կազմակերպությունների մասին» ՀՀ օրենքի շրջանակներում, հանդիսանում են իրավաբանական անձինք, ունեն կառավարչական և ֆինանսական հարցերում որոշումների կայացման լայն ինքնուրույնություն: Կարծում ենք, որ ՊՈԱԿ-ի կարգավիճակի փոփոխությունը առաջացնում է լրացուցիչ ռիսկեր հանրային ակտիվների կառավարման, ինչպես նաև հանրային ծառայությունների մատուցման և ապրանքների մատակարարման ոլորտում:</p> <p>2. Հասկանալի չէ Նախագծի նպատակը, թե ինչու է ՊՈԱԿԸ վերակազմակերպվում նախ բաժնետիրական ընկերության իրավակազմակերպական տեսքի առևտրային կազմակերպության, ապա՝ իրավակազմակերպական մեկ այլ տեսքի առևտրային կազմակերպության: Նախագծին կից տեղեկանքում ևս բավարար չափով հիմնավորված չէ Նախագծի ընդունման անհրաժեշտությունը: Պարզ չէ, ՊՈԱԿ-ի մասնակիորեն մասնավորեցումը ինչ այլ՝ ավելի նպաստավոր հնարավորություն կընձեռի միջին մասնագիտական բժշկական ուսումնական հաստատության գործունեությունն օպտիմալ պայմաններով իրականացնելու գործում, որն առկա չէ հիշյալ ՊՈԱԿ-ի՝ մինչ օրս իրականացրած գործունեության ընթացքում:</p> <p>3. ՀՀ կրթության և գիտության նախարարության 07.03.2017թ. N04/2897-17 գրությամբ ՀՀ ֆինանսների նախարարություն ներկայացված՝ ՊՈԱԿ-ների 2016 թվականի նպատակային և ձեռնարկատիրական գործունեության տարեկան ֆինանսատնտեսական արդյունքների մասին հաշվետվության տվյալների համաձայն «Երևանի</p>	<p>Առաջարկություններն ընդունված են:</p>

պետական հենակետային բժշկական քոլեջ» ՊՈԱԿ-ի հիմնական միջոցները տարեսկզբի դրությամբ կազմել են 10,624.0 հազ. դրամ, իսկ տարեվերջին՝ 2,860.0 հազ. դրամ (անհրաժեշտ է ներկայացնել համապատասխան պարզաբանում):

Ելնելով վերոգրյալից, առաջարկվում է ձեռնպահ մնալ վերոնշյալ ՊՈԱԿ-ի կարգավիճակի վերանայման հարցի քննարկումից: Բացի այդ, քոլեջի կարգավիճակի փոփոխությունը կարող է նախադեպ հանդիսանալ նաև մյուս քոլեջների համար, իսկ դրա հետևանքները և արդյունավետությունը լիարժեք ուսումնասիրված չէ:

Ինչ վերաբերում է Նախագծի ձևակերպումներին, ապա՝

1) «Իրավական ակտերի մասին» ՀՀ օրենքի 40-րդ հոդվածի 1-ին մասի համաձայն՝ իրավական ակտի վերնագիրը պետք է համապատասխանի իրավական ակտի բովանդակությանը և հակիրճ տեղեկատվություն պարունակի դրա կարգավորման առարկայի մասին, ուստի, վերոգրյալից Նախագծի վերնագիրը անհրաժեշտ է խմբագրել՝ նախատեսելով Նախագծի 4-րդ կետի կարգավորման առարկայի մասին տեղեկատվություն:

2) Նախագծի նախաբանում տեղին չեն հղումները «Պետական ոչ առևտրային կազմակերպությունների մասին» ՀՀ օրենքի 4-րդ հոդվածի 1-ին մասին և «Սահմանափակ պատասխանատվությամբ ընկերությունների մասին» ՀՀ օրենքի 36-րդ հոդվածի 2-րդ մասի «ժ» կետին, փոխարենը անհրաժեշտ է հղում կատարել «Բաժնետիրական ընկերությունների մասին» ՀՀ օրենքի 9-րդ հոդվածին:

3) Նախագծի 1-ին կետով նախատեսվում է ՊՈԱԿ-ի վերակազմավորման ձևով վերակազմակերպել «Երևանի պետական բժշկական քոլեջ» փակ բաժնետիրական ընկերության: Այդ կապակցությամբ հարկ է նշել, որ ՀՀ քաղաքացիական օրենսգրքի 64-րդ հոդվածի 5-րդ մասի համաձայն՝ մեկ տեսակի իրավաբանական անձը մեկ այլ տեսակի իրավաբանական անձի վերակազմավորվելու դեպքում (կազմակերպական-իրավական ձևի փոփոխում) նոր առաջացած իրավաբանական անձին են անցնում վերակազմավորված իրավաբանական անձի իրավունքները և պարտականությունները՝ փոխանցման ակտին համապատասխան: Ուստի, Նախագծով անհրաժեշտ է նախատեսել դրույթ, որով կսահմանվի «Երևանի պետական բժշկական քոլեջ» փակ բաժնետիրական ընկերությանը փոխանցման ակտին համապատասխան փոխանցվող իրավունքները և պարտականությունները, ինչպես նաև նախատեսել դրույթ, որով կկարգավորվեն ստեղծվող կազմակերպության պետական գրանցման, (հիմք՝ «Բաժնետիրական ընկերությունների մասին» ՀՀ

	<p>օրենքի 16-րդ հոդված) և գրանցումից բխող ծախսերի իրականացման հետ կապված հարաբերությունները:</p> <p>4) Նախագծի 3-րդ կետում «ընկերության» բառն անհրաժեշտ է փոխարինել «Երևանի պետական բժշկական քոլեջ» փակ բաժնետիրական ընկերությանը» բառերով:</p> <p>5) Նախագծի 6-րդ կետի 3-րդ ենթակետում «Երևանի պետական բժշկական քոլեջում» բառերն անհրաժեշտ է փոխարինել «Երևանի պետական բժշկական քոլեջ» փակ բաժնետիրական ընկերությունում» բառերով:</p> <p>6) Նախագծի 6-րդ կետի 1-ին մասով նախատեսվում է, որ միացման հետևանքով ընդլայնված ընկերությունում առաջիկա 3 տարվա ընթացքում պետք է կատարվի 45 մլն դրամի չափով ներդրում, սակայն ներկայացված չեն նախատեսվող ներդրման ֆինանսական աղբյուրները և նպատակները: Ընդ որում, անհասկանալի է Նախագծի 6-րդ կետի 1-ին ենթակետով նախատեսված ներդրումն իրականացնելու արդյունքում պետական բաժնեմասը ավելանալու է, թե ոչ:</p> <p>7) Հիմք ընդունելով «Սահմանափակ պատասխանատվությամբ ընկերությունների մասին» ՀՀ օրենքի 8-րդ հոդվածի 6-րդ մասը՝ անհրաժեշտ է հստակ սահմանել միացման արդյունքում պետական մասնակցության բաժնեմասի չափը:</p> <p>Նշենք նաև, որ Նախագծի 5-րդ կետում նպատակահարմար չենք համարում վերակազմակերպվող ընկերությունների բաժնետոմսերը (բաժնեմասերը) միացման հետևանքով ընդլայնված ընկերության բաժնեմասերի փոխարկման ժամանակ վերակազմակերպվող ընկերությունում մասնակիցների բաժնեմասերի քանակի որոշման հաշվարկի ներկայացումը բարդ և անհասկանալի բանաձևերի միջոցով, առավել ևս, որ այդ հաշվարկից ամենևին պարզ չէ պետության բաժնեմասի կոնկրետ չափը:</p> <p>8) Նախագծում անհրաժեշտ է նախատեսել դրույթ, որով կսահմանվի, թե ում միջոցների հաշվին պետք է կատարվեն Նախագծի 6-րդ կետով նախատեսված դրույթներից բխող ծախսերը:</p> <p>9) Անհրաժեշտ է հստակեցնել Նախագծի 3-րդ կետում ՊՈԱԿ-ին սեփականության իրավունքով պատկանող 14,841,645 դրամի կազմը (որքանով հայտնի է՝ դրա բաղկացուցիչները հիմնականում շարժական գույքին են վերաբերում, հետևաբար պարզ չէ, թե դրանք ինչ արժեքով են ներկայացված Նախագծում՝ վերագնահատված, սկզբնական, թե՞ հաշվեկշռային արժեքներով): Դրա հետ մեկտեղ Նախագծի նույն կետում անհրաժեշտ է հստակեցնել այդտեղ նշված բաժնետոմսերի քանակը, որը չի կարող ոչ ամբողջ թիվ լինել:</p>	
ԿԱ պետական գույքի	1. Նախագծի վերնագիրը չի համապատասխանում	1. Ընդունված է:

<p>կառավարման վարչություն</p>	<p>Նախագծի բովանդակությանը:  2. Նախագիծը չի բավարարում «Բաժնետիրական ընկերությունների մասին» ՀՀ օրենքի 18-րդ հոդվածի 1-ին կետի պահանջը, համաձայն որի՝ ընկերության վերակազմակերպումը (միաձուլումը, միացումը, բաժանումը, առանձնացումը, վերակազմավորումը) կատարվում է ժողովի որոշմամբ: Մինչդեռ համաձայն Նախագծի՝ «Երևանի պետական բժշկական քոլեջ» ՓԲԸ դեռ նոր պետք է ստեղծվի: Դրա հետ կապված, սկզբնական փուլում անհրաժեշտ է, որ «Երևանի պետական հենակետային բժշկական քոլեջ» ՊՈԱԿ վերակազմակերպվի «Երևանի պետական բժշկական քոլեջ» ՓԲԸ և սահմանված կարգով գրանցվի, հաշվի առնելով, որ ընկերությունն ստեղծված է համարվում պետական գրանցման պահից («Բաժնետիրական ընկերությունների մասին» ՀՀ օրենքի 9-րդ հոդվածի համաձայն): Այդ գործընթացի ավարտից հետո միայն հնարավոր կլինի անդրադառնալ «Երևանի պետական բժշկական քոլեջ» ՓԲԸ և «Հայկ և Արա» ՍՊԸ միացման ձևով վերակազմակերպման հարցին:  3. Իսկ ինչ վերաբերում է Նախագծում ներկայացված պետական և ոչ պետական բաժնեմասերի մեծությունների առաջարկին, ապա կարծում եմ, որ պետական և ոչ պետական բաժնեմասերի մեծությունները պետք է որոշվեն շուկայական գնահատման արդյունքում:</p>	<p>2. Ընդունված է:</p> <p>3. Ընդունված է:</p>
<p>ՀՀ տարածքային կառավարման և զարգացման նախարարություն</p>	<p>Առաջարկություններ չկան:</p>	